



## Universitätsbibliothek Paderborn

### **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1847**

MDCCXXVIII. Kurfürst Friedrich von Brandenburg bekundet die mit dem  
Erzbischofe Friedrich von Magdeburg getroffene Vereinbarung, wornach  
der Erzbischof die Lehnsherrlichkeit über die Graf- und ...

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

wertlichen lehen, freiheiten, herlikeiten, wiltpanen, vischerien, als von alders vnd bißher darczu gehort hat, vnd wir vnd vnser vorfaren die vormals von der Ebtifchynn czu Ganderfzheim vnd bißher czu lehen gehabt haben, von dem gnannten vnnfrem liben herrn czu rechtin Manlehen empfangen, feiner gnaden, feinen Erben vnd nachkomen doruon gehuldigt, gelobt vnd gefworen haben, getrew, gewartig vnd gehorfam czu fein, Iren schaden czu wenden vnd fromen czu werben, als ein Mann feinen lehen vnd erbherren thun fol, och pflichtig vnd schuldig ist: vnd wir obingenannter Graue Bernd vnnfer lieber Bruder vnd vnnfer leibs lehns Erben, Grauen czu Reinftein, fullen vnd wollen nū hinfurder mehr dy gnannte herfchafft mit allen Iren zugehorungen als oft vnd dicke des not gefchyt, von dem obingenannten vnnferm gnedigen lieben herren, feinen erben vnd nachkomen marggra- uen zu Brandenburg vnd marggraueschafft czu Brandemburg czu rechtem Manlehen haben, nemen vnd entphaben, In ock daruon halten, thun vnd dinen vnd mit der offsaunge des Slosz vnd Stat mit der andern czugehorungen wartende fein, als ein Man feinen lehen vnd erb- herren pflichtig vnd schuldig ist, von rechtis wegen, on arg vnd geuerd. Vnd czu mehrer ficherheit vnd warem bekenntnuz haben wir diffen brieff vor vns vnd vnnfre Erben mit mit vnnfrem anhangenden Infigel verfiglen lassen, der Geben ist zu Coln an der Sprew, am Sontag letare, nach Cristi vnnfres herrn geburt Millefimo Quadringentesimo L. primo.

Nach dem Kurm. Lehn-Copialbuche des R. Geh. Kab. Archivs XX, 43.

MDCXXXVIII. Kurfürst Friedrich von Brandenburg bekundet die mit dem Erzbischofe Friedrich von Magdeburg getroffene Vereinbarung, wornach der Erzbischof die Lehnsherrlichkeit über die Graf- und Herrschaft Wernigerode aufgegeben und der Graf Botho von Stolberg die Belehnung von dem Kurfürsten empfangen hat, am 1. Mai 1451.

Wir fridrich, von gots gnaden Marggraue czu Brandenburg, des heiligen Romyschen Reichs Erczkamerer vnd Burggraue czu Nuremberg, Bekennen offentlichen mit dielsem brieue vor vns vnseren erben vnd erbnemen vnd thun kunt allen den, die In lehen, horen ader leszen, So als wir mit dem Erwerdigsten In got vnserm besundern lieben hern vnd frund, hern friderichen, Erczbischoff czu Magdeburg vnd seinem Capittel In teydingen gewesen fein, von der lehen wegen der herfchafft werningerade, die von Alder czu vnnferer herfchafft gehort habent, Darvmb wir vns samptlichen gutlich vnd fruntlich geeynet vnd vertragen haben, So das derselbe vnnferer herre vnd frund von Mag- deburg mit seinem Capittel der lehen an wernigerade vns mit feinen czugehorungen genz- lichen is abetreten, der er sich hatte vnderwunden, vnd hot den Edelen wolgeboren Gra- fen Bothen von Stalberg mit den lehen der gnannten Stat vnd Slosz wernige- rode mit Iren czugehorungen an vns als an Iren Naturlichen erbhern gewysset, den wir denn In aller mafze vnd wyfe mit seines leibslehens erben beliben haben, Dar vff er vns



gehuldigt, gelobt vnd gesworen hat, vns getruwe wartende vnde gehorsam czu sein, vnsern fromen czu werben vnd schaden czu wenden, vns auch darvon czu thun, czu halten vnd czu dienen, als eyn man seinem lehen vnd erbhern pflichtig vnd schuldig ist, an geuerde. Vnd wir belihen In mit Crafft dieses briefes merglich mit der ganczen Grafeschafft, friheiten, herrlichkeiten, lehen geistlich vnd wertlich, wiltpanen vnd fysscheryen vnd allen andern czugehorungen, als czu der herschaft vnd graueschafft von wernigerade vormals gehört hat, vnd sullen vnd wollen des genannten Grafen Bothen czu Stolberg vnd seiner leibzlehnszerben bekennige lehnher sein, wenn vnd wie dicke des not geschicht, In sein leibzlehnszerben vnd alle die seinen verbieten vnd vertheydingen, so eynem hern seine Manne czuuertheydingen wol gebort czu thun, nach allem vnserm vermogen, wann wir seiner vnd seiner leibzlehnszerben czu eren vnd rechte mechtig sein, an alles geuerde. Wir sollen vnd wollen auch den von Stolberg vnd sein liebzlehnszerben by allen fryheiten, herlichkeiten, herkomen vnd gewonheiten behalden vnd blyben lassen, an alles geuerde, doch vns vnsern erben vnd nachkomen an vnsern lehen vnd erbhuldungen, die wir an der Grafeschafft vnd dem ganczen lande czu wernigerade haben, vnd an den briuen vns daruber gegeben vnshedlich. Wer es auch, das der von Stalberg an liebzlehnszerben abginge, dar got vor sy vnd nach seinem willen wende; So sal die grafeschafft czu wernigerade mit Irer czugehorunge genczlichen an vns Marggrauen friderichen, vnser erben vnd die Marche czu Brandenburg fallen: vnd ab das also kome, dar aber got vor sey, So sollen vnd wollen wir aller erbaren Manschafft, paffen vnd leyhen, Burgeren vnd gebure, vnd besunderen alle Inwoneren derselben herschaft wernigerade, iglichen besunderen vnd In sampt, by allen friheiten, herlichkeiten vnd gerechtigkeiten behalden vnd blyben lassen, In maszen sie by den herrn von wernigerade vnd by den von Stalberg gewesen vnd geblieben sind, an alles geuerde. Zcu orkunde mit vnserm anhangenden Ingesigel versigelt vnd geben czu Czerwest, am fritage philippi vnd Jacoben tag, nach gots gebort XIII<sup>te</sup>. darnach Im LI<sup>ten</sup> Jare.

Nach dem Rurmärk. Lehn- Copialbuche des K. Geh. Kab. Archives XX, 39.

MDCCLXXIX. Revers des Grafen Bodo zu Stolberg und zu Wernigerode über den vorstehend documentirten Act, worin er zugleich dem Markgrafen das Doffnungsrecht an dem Schlosse und an der Stadt Wernigerode verschreibt, von demselben Tage und Jahre.

Wir bade, graue czu Stalberg vnd czu Wernigerode, Bekennen offentlichen mit diesem briue vor vns vnser Erben vnd suzt vor allermeniglich, die In sehen, horen ader lesen. So denn der Erwürdiger In got vater vnd herr, nere friderich, Erczbischof czu Magdeburg vnd sein Cappittel an einem, vnd der hochgeboren furste vnd herr, herre friderich, Marggrau czu Brandenburg, des hilgen Romischen